


COLENDISSIMO PATRI SUO.

D. V. C.

CLAUDIUS BARTHELEMY Gratianopolitanus.



QUÆSTIO MEDICA

PRO BACCALAUREATU

MANE DISCUTIENDA

IN ALMA MONSPELIENSIIUM MEDICORUM ACADEMIA

PRÆSIDE

R. D. PETRO RIDEUX

PROFESSORE REGIO DIGNISSIMO

SUB HAC VERBORUM SERIE.

An Nephritico dolori aque motte.

SANITATEM perfectam in debitâ partium organicarum conforma-
tione & libero sanguinis omniumque ab eo dependentium succorum
circuitu nec non æquali justâque omnium particularum commixtione, &
commotione consistere neminem latere posse confido. Hæc dum ita
se habent perfectâ fruitur homo sanitate & perennis fieret si æternaretur jam

jam memorata solidorum fluidorumque proportio ; quoniam vero exteriorum corporum patet incurfibus, lædentiumque exponitur injuriis, idcirco variæ in solidis, ita & in fluidis reperiuntur mutationes ex impurâ præcipuè partium miscelâ quæ nisi foras eliminetur diverfi generis affectus producere valet.

Nunc renum inflammatione dolore vehementissimo lumbari mictuque frequenti attamen difficili urinæ quæ nunc crassa & viscida nuncque clara & lymphida existit modo sanguine modo pure turgens cum testiculi retractione, signis inditiisque ita manifestis manūque ductis dolore nephritico affici dignoscimus.

Ex descriptione nephritidis apertè demonstratur illam pendere vel ab inflammatione vel à materiis crassis & viscidis mearibus glandularum renalium hærentibus & ipsarum quantitate parietes ita distendentibus ut phlogosum producendis aptæ evadant.

Alii humorem lentum atque pituitosum à calore exsiccatum & ad lapideam usque duritiem torrefactum non secus ac indurescere solent excocti in fornace lateres, alii per frigus arduum hoc explicant negotium, quidam arenosam renum dispositionem admittunt, alii à coagulo fermentationem subsequente deducunt eodem proflus modo quo ex mixtione spiritus vini cum salis armoniaci spiritu peractâ fermentatione coagulum emergit quod successu temporis lapideam æmulatur duritiem.

Sed probabilius sentire videntur qui à sanguine crasso & viscido prima calculi rudimenta fieri autumant dum enim sic constitutus sanguis materiam deponit in renibus hæc lente per eorundem glandulas & tubulos meando hinc inde hæret quo tempore fluxiliores magisque lubricæ quæ ad omnem viarum angustiam sese accommodare possunt, à crassioribus & viscidis separantur unde vehiculo suo & portatore destitutæ mediantibus salibus acidis in urinâ, sic constitutâ, contentis concrefcunt malthantur & in nucleum perfectum degenerant qui occasione datâ ad vesicam delatus partium similium juxtâ positione augetur & in insignis magnitudinis molem accrescit, non negaverim tamen ipsa calculi primordia in vesicâ posse generari cum ibidem delata augeri & calculum constituere possint.

Hanc sententiam eò lubentius amplectimur quod analysis chymica memorata mox principia inesse commonstret & juxtâ illam facili marte reddatur ratio cur non solum in renibus & vesicâ, sed & quoque in singulis partibus calculi generentur.

Omnes in genere causæ quæ nephritidem producere possunt refferri debent ad materias crassas & viscidas à vehiculo & portatore spoliatas ob caliditatem nimiam quæ serosarum sanguinis partium deperditioni occasionem præbuit, item & ad sex rerum non naturalium abusum; tenent enim omnes, liquores spirituosos, exercitia immodica, equitationes, immoderatam venerem, potulenta, &c. sanguinem à suo vehiculo destituere idcirco crassus & viscidus per omnes partes transiens obstructions quam plurimas producere valet.

Distinguitur iste affectus à colico dolore ex eo quod in nephritide adfit fixus & stabilis dolor, in alio vero vagus, præterea plurima secum affert incommoda nephriticus dolor sicuti dolor stabilis & fixus circa lumborum regionem qui ut plurimum gravativus est, quia renum substantia obtuso sensu donatur; quoties vero calculus in ureteris caput sese insinuat tunc dolorem acutum & pungentem excitat tamdiu perseverantem quamdiu calculus ibi hæret neque agrum excruciare desinentem donec calculus aut in vesicæ cavitate protrusus fuerit aut in renis cavum remeaverit, urina quæ primo nebulosa valde & sedimento plena denotat calculi principia inesse sanguini, clara & lymphida cum uterque ren afficitur, aut cum materia sabulosa in vesicâ stagnat, cruenta evadit cum calculus asper & angulosus aut ponderosus tenerrimam renis substantiam dilacerat & vasa quædam dirumpit, interdum fit purulenta cum sanguis extravasatus & quodam in loco stagnans, fermentans si fermentatio vergat in purem non mirum si purulenta videatur urina, cruris adest stupor quia calculus grandior factus nervum illum comprimit qui in lumbares musculos inseritur renibus subtractos & ab anatomicis psoas nominatos, testis retractio fit quia vasa spermatica quæ deferuntur ad testes super ureteres scandentia ipsis ita adhærent ut renes nimis distendi non possint quin testis reni affecto respondens retrahatur, nausea & vomitus per consensum nervorum quem habent renes cum ventriculo, febris plerumque supervenit à dolore acutissimo producta, & nullam aliam admittit causam præter morbum à quo fovetur sublata enim lithiasi tollitur & febris sunt & quam plurima alia incommoda istum affectum concomitantia quæ brevitatis decore prætermitto. Præter signa manifesta de quibus jam sermo factus fuit sunt & alia abscondita, sicuti dolor in collo vesicæ qui provenire potest vel à simplici urinæ acrimoniâ, vel à calculo irritante vel ab ulcere, pruritus emergere potest in pudendo ex lævi vellicatione urethræ à partibus acris in urina contentis, urinæ difficultas producitur, vel à materiâ crassa viscida & acri sphincterem irritante, vel à calculo vesicæ orificium obturante, dolores exacerbantur ad minimum pedum motum vel crurum succutionem quia diversis illis motibus vesicæ corpus comprimitur unde ejus parietum divulsio & doloris intensio.

Renum calculus non est periculi expertus, gravissima enim mala ut inflammationem exulcarationem dolores atroces vigilias virium dejectionem urinæ suppressionem aliaque perniciose infert quæ plerumque de medio agrum tollunt.

Si dolor nephriticus ad plurimos dies perseveret neque ullis medicaminibus curari valeat mortis adest periculum eaque jam in propinquo est cum frigiditas partes extremas & sudor frigidus faciem occupant, urinæ quæ primum tenues post modum vero crassæ apparent in matulæ fundo morbi solutionem portendunt, calculus cum renum ulcere conjunctus incurabilis est, illa enim quæ materias illas induratas dividunt ulcus valde exasperant.

Et si periculo plenus sit dolor nephriticus tamen tentanda venit cura-

rio, & primo quidem ut calor & inflammatio compescantur ad refrigerantia humectantia diuretica confugiendum, & ad ea quæ naturalem sanguinis fluiditatem restitunt, si recens sit quod cognoscitur quando scilicet humores lenti ac tenuissimus calculus renes inficiunt tunc semina carduorum & lappæ pulvis millepedum, cortex radicis calcitrapæ, hæc moderatè sumpta his affectibus auxiliantur sæliciusque succurrunt præmissis venæ sectionibus si opus sit & purgationibus lenientibus è mannâ scilicet & cassiâ si dolores ægrum valde excruciant, leniendi causa laudanum præscribendum, laudatur vinum alkekengi si per intervalla exhibeatur omnem calculorum materiam educere asserit villanovanus, terebinthina in usum avocanda quia urinas movendo simul alvum laxat, ita ut crassiores humores per alvum deturbentur qui ab aliis diureticis ad renes deducerentur, sed si hæc omnia inutilia prorsus sint ad aquas thermales confugiendum quæ primarum viarum sabhurrarum valent eliminare sanguinem agitare viscidos crassosque humores attenuare dividere & per consequens naturalem sanguinis fluiditatem conciliare jure concludo.

ERGO aqua motta Nephritidi.

DISPUTATORI.

PROFESSORE REGII.
 R. D. Franciscus Chicoyneau,
Cancellarius.
 R. D. Joannes Chastelain, *Decanus.*
 R. D. Joannes Bezac.
 R. D. Petrus Chyrac.
 R. D. Petrus Magnol.
 R. D. Antonius Deidier.
 R. D. Antonius Magnol.

DOCTORES AGGREGATI.
 R. D. Henricus Haguénot.
 R. D. Joannes Henricus Haguénot,
Patris Coadjutor, Doctores ordinarii.
 M. Eustachius Marcot.
 M. Antonius Fizes.

Propugnabit in augustissimo Monspeliensis Appollinis fano CLAUDIUS BARTHELEMY Gratianopolitanus, apud Delphinatos Artium Liberalium Magister & jamdudum Medicina Studiosus, ab horâ octavâ usque ad meridiem, Die 2. mensis Augusti anni 1712.

MONSPELII, Apud HONORATUM PECH, Regis Typographum 1712.